



Bosnia and Herzegovina
Federation of Bosnia and Herzegovina
CANTON SARAJEVO
Services of Assembly's Affairs

Broj: 15-04-17733/25
Sarajevo, 28.04.2025. godine

Na osnovu člana 70. Zakona o organizaciji organa uprave u Federaciji Bosne i Hercegovine („Službene novine Federacije Bosne i Hercegovine“, broj: 35/05), člana 11. Zakona o državnoj službi u Kantonu Sarajevo („Službene novine Kantona Sarajevo“, br.: 31/16, 45/19 i 06/25), člana 14. Uredbe o poslovima osnovne djelatnosti iz nadležnosti organa državne službe u Kantonu Sarajevo koje obavljaju državni službenici, uslovima za vršenje tih poslova i ostvarivanju određenih prava iz radnih odnosa („Službene novine Kantona Sarajevo“, br.: 39/16 i 10/17), a u vezi sa članom 39. Zakona o zaštiti ličnih podataka Bosne i Hercegovine („Službeni glasnik BiH“, broj: 12/25), sekretar Skupštine Kantona Sarajevo, **d o n o s i**

R J E Š E N J E **O IMENOVANJU SLUŽBENIKA ZA ZAŠTITU LIČNIH PODATAKA**

Član 1.

Imenuje se **Dženita Džebo**, stručni saradnik za poslove Skupštine, njenih radnih tijela i klubova naroda u Skupštini, za službenika za zaštitu ličnih podataka u Službi za skupštinske poslove Skupštine Kantona Sarajevo.

Kontakt podaci imenovanog službenika su: e-mail: dzenita.dzebo@skupstina.ks.gov.ba , telefon: 033/562-167.

Član 2.

Službenik za zaštitu ličnih podataka obavlja poslove i ima status te nadležnosti propisane Zakonom o zaštiti ličnih podataka Bosne i Hercegovine.

Službenik za zaštitu ličnih podataka, u vezi sa obavljanjem svojih zadataka, dužan je sve podatke do kojih dođe u postupku obrade podataka čuvati kao službenu tajnu u skladu sa zakonom.

Član 3.

U vezi s obavljanjem svojih zadataka, službenik za zaštitu ličnih podataka odgovara rukovodiocu Službe za skupštinske poslove Skupštine Kantona Sarajevo.

Član 4.

Ovo rješenje stupa na snagu danom donošenja, a objavit će se na web stranici Skupštine Kantona Sarajevo (<https://skupstina.ks.gov.ba>).



Adresa: Reisa Džemaludina Čauševića 1, 71 000 Sarajevo
Tel: + 387 (0) 33 562-055, Fax: + 387 (0) 33 562-210
Web: <https://skupstina.ks.gov.ba>, E-mail: skupstina@skupstina.ks.gov.ba

1/2

Obrazloženje

U skladu sa članom 39. Zakona o zaštiti ličnih podataka Bosne i Hercegovine („Službeni glasnik BiH“, broj: 12/25), svaki organ koji obrađuje lične podatke dužan je imenovati službenika za zaštitu ličnih podataka. Imajući u vidu prirodu poslova koje obavlja Služba za skupštinske poslove Skupštine Kantona Sarajevo, a s ciljem osiguravanja zakonite i transparentne obrade ličnih podataka, te jačanja institucionalne odgovornosti u pogledu zaštite ličnih podataka, pristupilo se imenovanju službenika kako je navedeno u dispozitivu ovog rješenja.

Pouka o pravnom lijeku: Protiv ovog rješenja može se izjaviti žalba Odboru državne službe za žalbe Federacije Bosne i Hercegovine u roku od 15 dana od dana prijema rješenja. Žalba se podnosi putem Službe za skupštinske poslove Skupštine Kantona Sarajevo, predajom na Pisarnicu ili putem preporučene pošte.



SEKRETAR SKUPŠTINE
KANTONA SARAJEVO

Dostaviti:

1. Imenovanoj
2. Agenciji za zaštitu ličnih podataka u Bosni i Hercegovini (putem Stručne službe Vlade Kantona Sarajevo)
3. Služba za skupštinske poslove Skupštine Kantona Sarajevo
4. Stručnoj službi za zajedničke poslove Kantona Sarajevo
5. Arhiva



Adresa: Reisa Džemaludina Čauševića 1, 71 000 Sarajevo
Tel: + 387 (0) 33 562-055, Fax: + 387 (0) 33 562-210
Web: <http://skupstina.ks.gov.ba>, E-mail: skupstina@skupstina.ks.gov.ba

2/2